

古今文綜

野居書齋

古今文彙

卷之四

古今文綜

野侯書眉

丙辰孟春
中華書局
鐫版

綴言

古文之目。自唐而興。單行票姚。詡爲起衰。而矯之者。遂謂單行爲言。用偶爲文。深屏世之所謂古文。一挑一剔。無殊小慧。駢散之爭。旣成閭市。自來選家。亦分涂轍。各揭一幟。絕不相容。平心論之。韓歐傑出。時屬唐宋。摺之以古。則三代秦漢。置於何地。必曰用偶爲文。轉相詆媿。則孔子所作文言。未嘗悉是偶語。蔑古蔑聖。其失惟鈞。李申耆云。天地之道。陰陽而已。陰陽相並俱生。故奇偶不能相離。方圓必相爲用。溝而通之。可稱卓識。故所選文鈔。奇偶並錄。特其命名。囿於駢體。斯一間之未達者也。孔子有言。物相雜。故曰文。茲書擇善而從。意主渾圓。爲散爲駢。不取標揭。但名爲文。亦取參伍錯綜之誼。爰名爲綜。事不師古。理惟求是。區區之悃。竊在於斯。已上定名大意第一。

昭明文選。各以彙聚。詩賦之屬。乃以類分。寶臣文粹。隨文分目。碑曰姦雄。銘曰暴虐。命意則善。定名或乖。厥後吳氏文章辨體。徐氏文體明辨。賀氏文章辨體彙選。

析類數十。或至百餘。踵事增華。亦云詳備。惜抱類纂。摭爲十三。春木文錄。摭爲十七。滌生雜鈔。摭爲十一。稍稍趨於弘整矣。茲書凡六部十二類。曰論箸序錄。推闡發明。是其幟志。爲第一部。曰書牘贈序。所以敦倫好。寄情愫。爲第二部。曰碑文墓銘。伐石鐫辭。垂諸不朽。體則異。旨則同。爲第三部。曰傳狀志記。表章人物。亦碑文墓銘類也。爲第四部。曰詔令表奏。廟堂之製。高文典冊。別成一體。爲第五部。曰辭賦雜文。揆張之作。統紀於此。爲第六部。箴銘頌贊。哀祭。惜抱本爲三類。春木乃爲六類。滌生哀祭爲一類。箴銘頌贊。省入辭賦類。意以韻文體質相近。然祭弔哀誄韻文爲多。招魂些詞。淵源可溯。茲廣滌生之例。省入辭賦類。彥和文心雕龍。雜文所舉。僅有三目。對問連珠與七是也。後世有作。波譎雲詭。顧名思義。并以附焉。已上分部大意第二。

總集別集。流傳夥矣。要其涇渭。析爲兩事。一曰歷史之屬。一曰實用之屬。曷謂歷史。自古之所有。今之所廢者也。曷謂實用。古今不廢者也。約以今名。前者曰陳文。後

者曰生文。生文所以眎其效。陳文亦以博其趣。茲書標名古今兩事並錄。特所畸重。在於實用。分目詳略。依斯爲準。論箸序錄。書牘贈序。碑文墓銘。傳狀志記。抉宇宙之奧。發事物之蹟。通性情之正。揚風烈之懿。皆生文也。故此四部標舉法式。不厭煩細。詔令表奏。限於時代。此陳文也。詞氣堂皇。多大手筆。兩漢之文。此尤翹楚。多聞善識。聊博其趣而已。辭賦之才。古稱君子。今匪急務。特示一斑。頌贊箴銘。祭弔哀誄。亦生文也。備陳流變。藉資采擇。至於雜文之屬。略同辭賦。鈎其俛異。以終吾篇。已上析目大意第三。

拘墟篤時。莊生所誚。文章之用。與世移變。今之所開。古不得囿。近世肇治科學。析類之事。目爲至要。植物學家。部門科屬諸名。井井而談。屬隸無紊。譬諸草木。區以別矣。矧在文章。渠不若彼。茲書以部統編。以編統章。每章之中。先爲甲乙。次爲一二。次爲子丑。次爲金石。次爲壹貳。取彼習熟。以爲符記。自我作古。大雅或呵。然荀子正名篇曰。循於舊名。作於新名。又曰。單足以喻則單。單不是以喻則兼。單與兼。

無所相避則共。是故有大共名。有大別名。則志無不喻之患。事無困廢之禍。大易一卦統乎六爻。揚雄太玄。衍爲方州部家。上以統下。寡以制衆。皆以共名別名。迭爲銜屬。且篇析子目。管子呂覽已有先例。甲乙丙丁。用以分別。管子輕重篇。又其權輿。今之作新誼實循舊。至於摺弧。亦有師仿。古人觀書。乞識其處。乙之取形。摺弧爲近。藉以豁目。於文無害。惟子目複雜。分章斯長。覽者於此。易滋疑詫。章實齋論篇卷有云。要在文以足言。成章有序。取其行遠可達而已。篇章簡策。非所計也。已上格式大意第四。

昭明文選。上采史文。不錄經子。茲書宗之。惟無韻誄文。窮於舉例。錄哀公誄仲尼一首。文選不錄並世。蓋以標榜聲氣。君子弗欽。自後選家。大率數法。迨惜抱類纂。近及方劉。黎氏續纂。並世亦錄。茲書約以清末爲斷。其以實用攸關。無從示式。破格爲之。僅何維棣孫同康兩首而已。至於湘綺虛受。海內二老。觥觥文宗。迹彼譔述。終人著錄。標榜聲氣。何有嫌疑。故並錄焉。昭明類分。時代相次。申耆文鈔。繫人

以代讀書論世頗便瀏覽然在斷代異議滋多漢末六朝尤爲輻輳若云某文之作時在某朝裁篇別出其言則踳但無考者何從臆決嚴鐵橋氏輯三代秦漢六朝文大率以卒年斷代茲書依焉五代終始僅五十年倘以閱世短促準全唐文例繫之於唐唐已亡矣繫於何有茲書爰稱五代不復著其代別朱明遺老黃顧之儔春木邁堂兩家文錄已隸之清茲亦從之蓋卒年斷代例也惜抱申耆箸錄之人惟稱其字字或湮佚遂致參差且史傳掲目大都稱名茲書從之庶幾一定已上斷限大意第五

學術思想表於文字爾其爲爭約有兩端一曰異同一曰新舊距楊墨闢佛老下至漢宋殊涂朱陸背僻持之有故言之成理此異同也君臣倫常之重春秋夷夏之嚴諸所孳乳今成繆說此新舊也茲書生文陳文意在並蓄所以存本來公是非博會通閱觀覽且所言者其人與骨皆已朽矣大同新理寧足以繩維古有言毋文害辭毋辭害意是之取爾已上采輯大意第六

不佞供職浙江安定中學校及浙江第一中學校主任國文凡十二載中間部章更迭國文時間或贏或縮終以文章公式猝難理董一暴十寒弗敷講貫問業之士餘力學文參考博覽期之課外頗思輯一善本彌其缺憾蠡定義例暇輒鈔纂積年既久卷帙稍多今年備職中華書局遂承誣諉葢此舊業復加推衍差云殺青古人著書志在名山不佞之作無此閱願應時勢之需求供學生之參鏡斯其體例在課本講義之間且古本多殘石刻易泐壺鼓方圓讀之意沮或有鴻文雅箸氣體卓然作家所矜初學未習故舉例之文間不從朔譬之教指有實有權因人而設不得已也復於每章每日略綴言辭譚其源委述其體要大抵彥和知幾實齋諸家之說碑文墓銘折衷蒼崖以下諸金石家之書考文正名游厥原始一以說文爾雅釋名獨斷文章緣起諸書爲宗已意所及十裁三四辭取達意不爲博考亦懇繁而不殺使人倦覽至於圈點所以挾菁華示義法歸茅有作世人所重惜抱亦云發人神智取便學子毋寧存之在今日爲筌蹄在明日爲芻狗從宜

從俗鴻詰勿譏已上平點大意第七

撰錄艱苦亦得略陳始立目以求文繼因文而生目意在異例並存而佳篇亦不割棄又同此一文目可兩收衡量彼此審其輕重往往一目之成十易其稿諦觀極審尙覺難安姚漢章作霖商訂體例綜甄得失齟齬討論獲益弘多馮巽占令之朱寶瑜瑾甫王夢曾肖巖或與糾繩或助搜輯他山之石均藉玉成及門李直守愚潘延貴用和勛勦校讐亦至劬劇許邁孫有言校讎之學兩途一曰求古一曰求是求古者沿襲舊本以存其真求是者搜采羣籍舍短從長以求其安茲書之作意主實用略師求是曹子建與楊德祖書曹集銓評本德璉發迹於大魏張溥本作北魏汲古閣文選本作此魏揆之文義大魏爲善王芥子答胡靜菴書嬖姍行藥花雨樓本駢體正宗作行樂行藥見北史邢巒傳於義爲長王仲宣荊州文學記官志嚴鐵橋輯本百氏備矣句下多百八十八字語意與文心雕龍宗經篇同屬詞不類疑爲誤合申耆文鈔本無之則從李本王子安膝王閣序蔣清翊

註本與初唐四傑本不同。俗本訛缺殆數十字。則從蔣本。始皇刻石諸文有碑本者。以視各家所錄。往往微異。則從碑本。他如史漢文選。時相差半。鹿門文鈔。惜抱類纂。錄八家文。以校原集。每有增損。凡此之屬。擇善而從。不枚舉也。艱苦所歷。此其辜較訂改補增。額之異日。惟冀海內碩士。有以匡之。已上訂校大意第八。

民國四年十月杭縣張相獻之父識於上海中華書局

古今文綜類目

第一部 論箸序錄之屬(第一冊至第七冊)

第一編 論箸類(第一冊至第三冊)

第一章 論之體製……………第一冊

(甲)論理

(乙)論文

(丙)論政

(丁)論史

(一)史傳論

(二)史論

(子)論制度

(丑)論學術

(寅)論形勢

(卯)論人物

(金)論一人一事

(石)數人合論

(戊)雜論

第二章 論之作法……………第二冊

(甲)敷陳

(乙)問答

(丙)整鍊

(丁)清折

(戊)翻騰

(己)申前人之說

(庚)駁前人之說

第三章 論箸之其餘各體……………第三冊

(甲)辨

(一)辨理

(二)辨事

(三)辨古書

(四)辨地理

(五)辨古人

(乙)說

(一)說理

(二)說物

(三)雜說

(四)設說

(五)字說

(六)贈說

(丙)議

(丁)原

(戊)義

(己)解

(一)理解

(二)喻解

(庚)釋

(一)疏釋

(二)譬釋

第二編 序錄類(第四冊至第七冊)

第一章 著述之序上……………第四冊

(甲)自序著述

(一)序單篇

(子)史傳序

(丑)文序

(二)序全帙

(子)詳序

(丑)渾序

(金)以闡發之法序

(石)以謙抑之法序

第二章 著述之序中……………第五冊

(乙)序人著述

(一)序單篇

(二)序全帙

(子)詳序

(丑)渾序

(金)關繫

(壹)爲前輩序

(貳)爲後輩序

(叁)爲婦人序

(肆)爲方外序

(伍)爲外國人序

(石)作法

(壹)以列傳之法序

(貳)以史志之法序

(叁)以地記之法序

(肆)以紀事之法序

(伍)以感歎之法序

(陸)以託諷之法序

(柒)以評論之法序

(捌)以闡發之法序

第三章 著述之序下……………第六冊

(丙)序古書

(一)以辨證之法序

(二)以闡發之法序

(丁)序譯書

(戊)序圖

(己)序表

(庚)序譜

(辛)後序

(一)以闡發之法序

(二)以謙抑之法序

(壬)上下序

第四章 雜序

(甲)序人

(乙)序物

(丙)序宴集

(丁)序身世

第五章 序錄之其餘各體……………第七冊

(甲)譜

(乙)錄

(丙)跋

(一)跋故籍

(二)跋書體

(三)跋詩文

(四)跋圖畫

(丁)題

(戊)讀

(己)引

(庚)書後

(一)闡發事實

(二)評覽文字

(辛)記後

第二部 書牘贈序之屬(第八冊至第十六冊)

第一編 書牘類(第八冊至第十二冊)

第一章 敘事之書上……………第八冊

(甲)論學

(乙)論文

(一)評贊

(二)闡發

第二章 敘事之書中……………第九冊

(丙)論政

(丁)雜論

(戊)辨駁

第三章 敘事之書下……………第十冊

(己)諷勸

(庚)慰藉

(辛)干謁

(壬)況狀

第四章 達情之書上……………第十一冊

(甲)感慕

(乙)牢騷

(丙)恬淡

(丁)惋傷

第五章 達情之書下……………第十二冊

(戊)懇摯

(己)側豔

第六章 書牘之其餘各體

(甲)箋

(一)陳述

(二)議論

(乙)啓

(一)感慕

(二)陳述

(三)干謁

(四)達謝

(五)致賀

(六)公啓

(丙)帖

(丁)簡

(戊)奏記

(己)狀

(庚)札

(辛)疏

(壬)引

*

*

*

第二編 贈序類(第十三冊至第十六冊)

第一章 別序之體製……………第十三冊